

HE KŌRERO MĀ TE KAIKO

Te Rauemi Ako  
**NGARIMU VC**  
and **28TH (MĀORI)  
BATTALION**



Hei āwhina ēnei kōrero i a koe ki te tautoko i ō ākonga ki te whakamahere,  
ki te whakaatu hoki i ā rātou kitenga.



**Image credit:** Māori Battalion performing a haka, Egypt. New Zealand. Department of Internal Affairs. War History Branch: Photographs relating to World War 1914-1918, World War 1939-1945, occupation of Japan, Korean War, and Malayan Emergency. Ref: DA-01229-F. Alexander Turnbull Library, Wellington, New Zealand. /records/23061877

# HE KŌRERO MĀ TE KAIAKO: TE RAUEMI AKO NGĀRIMU VC AND 28TH (MĀORI) BATTALION

*Hei āwhina ēnei kōrero i a koe ki te tautoko i ō ākonga ki te whakamahere, ki te whakaatu hoki i ā rātou kitenga.*

E toru ngā tūmahi o tēnei rauemi ako. Me mātua tutuki i te ākonga ngā tūmahi e toru.

- 1 Wāhanga Tahi:** He pakirehua i te 28th (Māori) Battalion me Te Moana-nui-a-Kiwa Ngarimu VC. E rua ngā kaupapa me mātua tutuki rawa i te ākonga me ngā pātai ārahi mō ia kaupapa, ā, ka kōwhiria e te ākonga tētahi pātai pakirehua mō ia kaupapa.
- 2 Wāhanga Rua:** He pakirehua i ngā āhuatanga rerekē o te 28th (Māori) Battalion. E whā ngā kaupapa, ā, ka kōwhiria e te ākonga tētahi pātai pakirehua mō ia kaupapa.
- 3 Wāhanga Toru:** He pakirehua takitahi mō tētahi kaupapa i kōwhiria. E iwa ngā kaupapa pakirehua, ā, ka kōwhiri te ākonga i tētahi o aua kaupapa hei pakirehua māna, i tētahi kaupapa kē atu rānei.



## Te tautoko i te ākonga me te whānau i runga i te kaupapa pakirehua

Me whakahau i te ākonga ki te toro ki tōna whānau, ki te kaiako hoki mō ētahi āwhina ki te whiriwhiri i te kaupapa ake hei pakirehua māna, ki te whakamahere, ki te whakaatu hoki i ia wāhanga.

Mā te ākonga tonu e whakatau te huarahi pai mōna hei whakaatu i ngā kitenga, hei tauira; he haka, he waiata, he kōrero nūpepa, he pakiwaituhi, he whakaaturanga matihiko, he tuhinga rānei.

Mā te whānau me ngā kaiako e waitohu te puka arowhai (ko te rauemi ako), ina tutuki ia tūmahi i te ākonga. Arā hoki tētahi tiwhikete tukuiho hei tuku ki te ākonga i te tutukitanga o ngā wāhanga e toru o tana pakirehua.

## Te Whakamahi Pakirehua Pāpori

E hāngai ana te rauemi ako nei ki te 'Pakirehua Pāpori', arā, mā te ākonga e tuku pātai, māna anō ēnei e whakarite, me te whakaatu i tāna i kite ai; me te tirotiro ki ngā tirohanga rerekē, ngā tikanga me ngā tūranga me ngā take i pērā ai, te kimi me pēhea te whakatika, te arotake i ngā hua i kitea me te whakaaro me ahu pēhea.

## Te tautuhi whāinga paetae

Āpiti atu ki te tautuhi i ngā whāinga paetae e tino hāngai ana, me mātua mahi ngātahi te kaiako me te whānau ki ngā ākonga ki te whiriwhiri i ngā tohu angitu mō te mahi pakirehua e tika ana mō te taumata marautanga kei reira ia e mahi ana i mua i te tīmatanga i ngā pakirehua.

## Te whakamana i te angitu

Kia oti rawa ia mahi pakirehua, ka riro mā te whānau me ngā kaiako te whakamana i tēnei āhuatanga. Kia oti tika ngā mahi pakirehua katoa i ngā ākonga me hoatu e ngā kaiako me ngā whānau he tiwhikete hei whakamana i ā rātou mahi.



## Wāhanga Ako o Te Marautanga o Aotearoa: Tikanga ā-Iwi

He rauemi pai tēnei mō te wāhanga ako o Tikanga-ā-Iwi. Ka tautoko tēnei rauemi ako i ngā ākonga kia mātau, kia mārama hoki ki ngā take me ngā awenga i whai koha ki te hanga o te porihanga o Aotearoa, ki te whakatewhatewha ki te whakatipu mōhiotanga ki ngā kaupapa nui me ngā tāngata e ai ki te tirohanga ā-kāinga, ā-motu, ā-ao hoki.

E hāngai ana tēnei rauemi ako ki ngā whenu e rua, ko ‘Te Whakaritenga Pāpori me te Ahurea’ me ‘Te Ao Hurihuri’. Ka hāngai hoki tēnei rauemi ki Te Takanga o Te Wā. Ka whakatipu mōhiotanga, māramatanga hoki ngā ākonga ki ngā pāhekohekotanga o te tangata ki ngā kaupapa o mua; ngā whakapono me ngā awenga e waihanga ana i te porihanga, me te whakamāramatanga o aua pāhekohekotanga i roto i te huringa ao te wā.

### Ngā Whāinga Paetae Tikanga ā-Iwi e hāngai ana ki tēnei rauemi ako

Kei ngā whāinga paetae Tikanga ā-Iwi e hāngai ana ki tēnei rauemi ako, ngā whenu me ngā whāinga paetae anō hei ārahi māu i ngā ākonga ki te whakamahere, ki te whakatutuki hoki i ā rātou mahi pakirehua.

	<b>WHENU: TE WHAKARITENGA PĀPORI ME TE AHUREA</b>	<b>WHENU: TE AO HURIHURI</b>
<b>Taumata 1:</b>	» Ka whakamārama i ngā take e uru atu ai te tangata ki te rōpū.	
<b>Taumata 2:</b>	» Ka whakamārama i ngā tūranga me ngā haepapa ka kawea e te tangata i roto i te rōpū.	» Ka whakamārama i ngā take me ngā huarahi e whakaaro nuitia ai e te tangata i ngā wā o mua.
<b>Taumata 3:</b>	» Ka whakamārama i ngā take e whakarite ai, e whakamahi ai hoki te tangata i te ritenga me te ture.	» Ka whakamārama i ngā huarahi e taea e te takitahi me te rōpū te urupare ki te panoni.
<b>Taumata 4:</b>	» Ka whakamārama i te whakaritenga a te tangata i a ia anō hei urupare ki te mātātaki, ki te mōrearea rānei.	<ul style="list-style-type: none"> <li>» Ka tautohu i ngā take me ngā otinga o ngā tūāhua kua waihanga i te oranga o te tangata.</li> <li>» Ka whakaahua i ngā huarahi e tuhia ai, e maumaharatia ai ngā mahi o mua.</li> </ul>
<b>Taumata 5:</b>	» Ka whakamārama i ngā huarahi i whakawanaketia ai, i urutautia ai, te tuakiri ahurea me te tuakiri ā-motu.	<ul style="list-style-type: none"> <li>» Ka whakamārama i te whakaawetanga o ngā tūāhua o mua i ngā Hononga i roto, i waenga hoki, i te rōpū, me te haere tonu o ēnei whakaawetanga.</li> <li>» Ka whakamārama i ngā whakapono me ngā mahi a ngā tāngata o mua kua waihanga i te porihanga o Aotearoa.</li> </ul>
<b>Taumata 6:</b>	<b>Tikanga ā-Iwi</b> <ul style="list-style-type: none"> <li>» Ko te mahi takitahi, ā-rōpū, ā-pūtahitanga rānei, ki te whakatairanga i te tōkeke pāpori me ngā motika tangata.</li> </ul>	<b>Hitorī</b> <ul style="list-style-type: none"> <li>» Ko ngā pūtaketanga me ngā otinga o ngā tūāhua o mua i waihanga i te āhua noho a te iwi o Aotearoa.</li> <li>» He rerekē te titiro a te tangata i ngā tūāhua o mua e whai tikanga ana ki Aotearoa.</li> </ul>



# HONONGA MARAUTANGA

## ***Te Marautanga o Aotearoa***

**Tikanga ā-Iwi:** Wāhanga Ako

<https://kauwhatareo.govt.nz/mi/resource/te-marautanga-o-aotearoa/tikanga-a-iwi>

**Tikanga ā-Iwi:** Whakapākehātanga

<https://kauwhatareo.govt.nz/en/resource/te-marautanga-o-aotearoa-whakapakehatanga/wahanga-ako-tikanga-a-iwi>

**Te Reo Māori:** Wāhanga Ako

<https://kauwhatareo.govt.nz/mi/resource/te-marautanga-o-aotearoa/te-reo-maori>

**Te Reo Māori:** Whakapākehātanga

<https://kauwhatareo.govt.nz/en/resource/te-marautanga-o-aotearoa-whakapakehatanga/wahanga-ako-te-reo-maori>

**Te Reo Pākehā**

<https://kauwhatareo.govt.nz/en/resource/te-marautanga-o-aotearoa-whakapakehatanga/wahanga-ako-te-reo-pakeha>

**Te Takanga o te Wā:** He Pukapuka Aratohu Mā Te Pouako – Tau 1 – 8

<http://maorihistory.tki.org.nz/mi/räuemi/te-takanga-o-te-wa-maori>



# NGĀ RAUEMI

*Ētahi rauemi hei āwhina i ngā ākonga i roto i te mahi pakirehua.*

28th (Māori) Battalion

<https://28maoribattalion.org.nz>

Kia Mau

<http://kiamau.tki.org.nz> (te reo Māori)

<http://eng.kiamau.tki.org.nz> (English)

Te Ope Taua Māori i te Pakanga Tuarua o te Ao: Te Wharekura 89 2010

<http://kohingarauemi.tki.org.nz/Catalogue-Items/Te-Wharekura-89>

Te Ope Taua: Te Tautoko 68 2010

<http://kohingarauemi.tki.org.nz/Catalogue-Items/Te-Tautoko-68>

King and Country: School Journal Level 4 June 2014

<http://literacyonline.tki.org.nz/content/download/28170/296602/file/King+and+Country-SJ+L4+June+2014.pdf>

The Desert Kaupoi: School Journal Story Library Level 4 2013

<http://instructionalseries.tki.org.nz/Instructional-Series/School-Journal-Story-Library/The-Desert-Kaupoi>

Te Hokowhitu-a-Tū: The Māori Pioneer Battalion: School Journal Level 3 June 2014

<http://instructionalseries.tki.org.nz/Instructional-Series/School-Journal/School-Journal-Level-3-June-2014/Te-Hokowhitu-a-Tu-The-Maori-Pioneer-Battalion>

KO TĀKU, KO TĀ TE MĀORI: Te Wharekura 14

[https://www.tki.org.nz/r/maori/wharekura/whare14\\_st3\\_e.html](https://www.tki.org.nz/r/maori/wharekura/whare14_st3_e.html)

Ngarimu: Te Tohu Toa

<http://kohingarauemi.tki.org.nz/Ngarimu-Te-Tohu-Toa>

NZ History

<https://www.nzhistory.govt.nz/war/maori-in-second-world-war>

<https://www.nzhistory.govt.nz/war/maori-war-effort-organisation>

<https://nzhistory.govt.nz/war/victoria-cross>

DigitalNZ - ā-tihī o aotearoa

<https://digitalnz.org/>

Kauwhata Reo

<https://kauwhatareo.govt.nz/mi/> (te reo Māori)

<https://kauwhatareo.govt.nz/en/> (English)



